



Pou Piblikasyon Imedya: 08/05/2023

GOUVÈNÈ KATHY HOCHUL

GOUVÈNÈ HOCHUL METE AKSAN SOU PLAN 1 MILYA DOLA POU RENOVE SWEN SANTE MANTAL KONTINYÈL ETA NEW YORK LA

Bidyè Ane Fiskal 2024 la founi 890 milyon dola nan kapital ak 120 milyon dola nan fon fonksyònman pou etabli ak opere 3,500 nouvo inite rezidansyèl

Enkli 30 milyon dola pou gmante sèvis sante mantal pou timoun ki gen laj pou ale lekòl yo

Ogmante sèvis pou pasyan ekstèn nan tout Eta a yon fason konsiderab

Fèmen twou vid ki genyen nan kouvèti asirans ki te poze yon baryè pou Nouyòkè yo ki bezwen sèvis swen sante mantal ak pwoblèm itilizasyon sibstans yo

Gouvènè a deziyen me kòm Mwa Sansibilizasyon sou Sante Mantal, 7-13 me kòm Semèn Sensibilizasyon Sante Mantal pou Timoun yo

Gouvènè Kathy Hochul te jodi a te mete aksan sou envestisman transfòmatif 1 milya dola pou plizyè ane pou renove swen sante mantal kontinyèl Eta a epi redwi drastikman kantite Nouyòkè ki gen bezwen sante mantal ki pa satisfè yo. Yo te adopte Plan Swen Sante Mantal (Mental Health Care Plan) la kòm yon pati nan Bidjè Ane Fiskal 2024 la, epi li pral ogmante kapasite tretman sikuatrik pou pasyan ki entène yo, elaj drastikman sèvis pou pasyan ekstèn yo, ranfòse kouvèti asirans, epi devlope plizyè milye inite sipò ak lojman tranzisyonèl anplis pou moun ki gen maladi mantal yo. Gouvènè Hochul te fè anons lan nan Sant Kominotè Delavan Grider nan Buffalo (Delavan Grider Community Center in Buffalo), epi manm Kongrè Brian Higgins, Majistra Byron Brown ak lidè sante mantal ak kominotè yo te rejwenn li.

"Depi kòmansman pandemi an, plis pase youn sou twa Nouyòkè swa pèsonèlman chèche oswa konnen yon moun ki bezwen swen sante mantal, epi jèn nou yo ap rapòtè detrès nan yon pouvantaj ke nou pa te jam wè anvan", **Gouvènè Hochul te deklare.** "Plan Swen Sante Mantal mwen an make yon chanjman istorik nan apwòch nou an nan abòde defi sante mantal yo, ranvèse plizyè ane neglijans nan sistèm nou an epi pote envestisman solid pou asire ke chak Nouyòkè gen aksè ak bon jan kalite swen. Plan sa a sèvi ak yon apwòch konplè ki itilize resous kominotè yo nan chak nivo pou satisfè bezwen tout Nouyòkè yo nan chak kwen eta nou an."

Gouvènè Hochul te pibliye tou pwoklamasyon ki fè me vin [Mwa Sansibilizasyon sou Sante Mantal](#) ak semèn 7 a 13 me, [Semèn Sensibilizasyon Sante Mantal pou Timoun yo.](#)

Bidyè Ane Fiskal 2024 la founi **890 milyon dola nan kapital ak 120 milyon dola nan fon fonksyònman pou etabli ak opere 3,500 novo inite rezidansyèl pou sèvi moun ki gen pwoblèm sante mantal yo.** Li gen ladan tou **30 milyon dola pou devlope sèvis sante mantal pou timoun ki nan laj lekòl nan tout eta a, ki genyen ladan I 20 milyon dola pou sèvis sante mantal ki baze nan lekòl** ak 10 milyon dola pou mete anplas sèvis fòmasyon ki apwopriye. Anplis, bidjè a genyen ladan I 10 milyon dola pou ranfòse pwogram prevansyon swisid pou jèn ki gen gwo risk yo.

Doktè Ann Sullivan, ki se Komisè Biwo Sante Mantal nan Eta New York, te deklare, "Plan Swen Sante Mantal Gouvènè Hochul la se yon estrateji ki byen reflechi ak konplè ki pral ogmante drastikman aksè ak sèvis sante mantal nan kominote yo toupatou nan eta a, ki gen ladann sa yo ki te defavorize depi plizyè ane. Inisyativ istorik li te defann yo pral ede asire tout timoun, granmoun, ak fanmi New York yo gen aksè a sipò ak sèvis sante mantal yo ka bezwen."

Majistra Buffalo, Byron Brown, te deklare, "Istorikman, swen sante mantal se te yon priyore neglige nan ajanda desidè yo ak finansè yo nan chak nivo gouvènman an. Epidemi sante mantal la pa fè diskriminasyon epi li afekte moun tout ras, tout reliyon ak stout sèks. Mwen bat bravo pou Gouvènè Kathy Hochul paske li bay yon envestisman rekò nan sistèm swen sante mantal la ki pral mennen nan pi bon rezulta pou moun ki nan kominote nou an k ap lite epi k ap chèche èd."

Anplis bay finansman pou novo inite rezidansyèl yo ak envesti nan sèvis sante mantal pou jèn ki gen laj lekòl yo, Plan Swen Sante Mantal la pral envesti nan sansibilizasyon ant kamarad, fèmen twou vid ki genyen nan kouvèti asirans lan pou sèvis sante konpòtmantal yo, epi elaji yon fason konsiderab sèvis pou pasyan ekstèn yo. Plan an sèvi Nouyòkè ki nan bezwen yo atravè:

- Founi 18 milyon dola kapital ak 30 milyon dola fon fonksyònman pou elaji kabann sikiyatrik pou pasyan ki entène yo, tankou ouvri 150 novo kabann pou granmoun nan lopital sikiyatrik ke Eta opere, sa ki reprezante pi gwo ekspansyon nan etablisman sa yo depi plizyè deseni
- Envesti 60 milyon dola nan kapital ak 121.6 milyon dola finansman fonksyònman, ki pral etabli 12 novo pwogram ijans sikiyatrik konplè ki bay swen pou kriz nan nivo lopital ak triple kantite Klinik Sètifye pou Sante Konpòtmantal Kominotè nan ki finanse pa Eta a nan tout Eta a- soti 13 pou rive 39, ki ofri sèvis sante mantal san randevou imedyat entegre ak pwoblèm itilizasyon sibstans pou Nouyòkè ki gen tout laj ak kondisyon asirans
- Finanse 42 ekip Tretman Kominotè Dinamik (Assertive Community Treatment, ACT) pou timoun ak granmoun pou bay Nouyòkè ki gen plis risk yo sèvis mobil

ak gwo entansite ak uit ekip Sipò Opsyon Sekirite (Safe Options Support, SOS) adisyonèl — senk nan Vil New York ak twa nan rès eta a

- Founi 28 milyon dola pou ede kreye 50 nouvo ekip kowòdinasyon swen pou Entèvansyon nan Moman Kritik pou bay sèvis konplè, soti nan lojman ak sipò travay, pou moun ki bezwen asistans tranzisyon, ki gen ladan timoun ak granmoun ki soti nan lopital ak sal dijans yo
- Apiye envestisman nan Bidjè ane fiskal 2023 ki adopte a, ki enkli 12 milyon dola ki alwe pou pwogram entèvansyon HealthySteps ak pou kriz ki baze nan kay yo pou fè pwomosyon devlopman timoun piti ak tretman pou timoun ak adolesan; ak 3.1 milyon dola pou ranfòse tretman pou moun ki gen twoub alimantè yo
- Alwe 2.8 milyon pou elaji pwogram Tretman Angajman Entansif ak Soutni an pou ofri sansibilizasyon ak angajman ki baze sou kamaradri pou granmoun ki gen maladi mantal grav yo
- Bay 18 milyon dola sou de zan pou ranbouse founisè yo pou sèvis sante mantal prevantif pou paran yo ak pitit yo; ak 24 milyon dola sou de zan pou ranbouse sèvis depistaj eksperyans negatif nan anfans yo
- Sipòte mendèv la ak ajisteman chète lavi a ki se 4 poustan ak 14 milyon dola pou Pwogram Ranbousman Prè Sante Mantal Kominotè (Community Mental Health Loan Repayment Program) ki nan Biwo Sante Mantal la, sa ki elaji kalifikasyon pou pwogram nan pou l'enkli pwofesyonèl sante mantal ki gen lisans
- Anplis de sa, Bidjè a fèmen twou vid ki genyen nan kouvèti asirans ki te poze yon baryè pou Nouyòkè yo ki bezwen sèvis swen sante mantal ak pwoblèm ki lye ak itilizasyon sibstans yo

Bidjè Ane Fiskal 2024 la bay tou yon lòt **60 milyon dola pou sipòte Liy Sekou kont Swisid ak Kriz 988 la (988 Suicide and Crisis Lifeline)** - yon ogmantasyon 25 milyon dola pa rapò ak Bidjè anvan an.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)